

Ipar Irlanda Aste erabakigarria



PAUL FAITH / AP



PETER MORRISON / AP

Kontzentrazioak.

Ipar Irlandako erakunde autonomoak berriz abiaraztearen aldekoak eta kontrakoak Belfastko Waterfront Hall eraikinaren aurrean elkartu ziren atzo goizean euren iritzia plaza-ratzeko. Trimbleren jarraitzaileek eta aurkariak euren banderak eta pankartak azaldu zituzten polizia hesi batek inguratuta.

Bill White .

ULSTERKO UNIONISTEN KONTSEILUKO DELEGATUA

«Erabaki demokratiko hau onartu beharko dugu guztiok»

LONDRES eta Dublinek Ipar Irlandako autonomia berriz indarrean sartzeko adostutako Hillsboroughko akordioarekin bat egin du Whitek. Belfastko UUPko Administrazioako kidearen arabera, aukera horren kontrakoek diziplinari eutsi beharko diote orain, «Trimbleren atzean bat eginda».

■ **David Trimbleren proposamenaren aldeko botoak irabazi du. Krisia gaitutua dagoela esan daiteke?**

Une garrantzitsua izan da, eta uste dut horren ondorioz aurrera egingo dugula. Nik Trimble sostengatu dut, bere proposamena bidezkoa iruditu zaidalako. Alde guztien artean segitu behar dugu lanean Ipar Irlandako bake prozesua bultzatzen, alde guztiekin hitz egiten: Londresekin, nazionalistekin, baita errepublikanoekin ere.

■ **Dena den, Trimbleren aldeko diferentzia txiki- txikia izan da.**

Bai, jakina zen azken asteotako kontuengatik zailtasunak egongo zirela, alderdiaren barruan bertan egon den iritzi banaketagatik. Baina Trimblek irabazi egin du. Horixe da garrantzitsuena.

■ **Hala ere, edozein unetan beste krisi bat piz daiteke. Uste duzu alderdiko sektore kritikoek Trimble bakean**

utziko dutela sinestu daitekeela?

Hala behar luke, ikusi egin behar. Nik uste dut gaur erabaki demokratikoa hartu dela, eta hori alderdiko kide guztiok onartu egin behar dugu. Halaxe funtzionatzen du demokraziak gizartean, nola alderdi politikoaren barruan, hala beste-lako erakundeetan: elkartetan, enpresetan. Nik dakidala, leku horietan guztietan zerbait bozkatzaren denean onartu egiten da emaitza, gustatu ala ez, alde txikia egon ala ez. Diziplina gorde egiten da. Gaur ezezko botoa eman dutenek hori ulertu behar dute: unionisten kontseilua mintzatu da, eta Trimbleren alde mintzatu ere. Orain horiek guztiek Trimbleren atzean jarri behar dute bat eginda.

Roy Beggs .

ULSTERKO UNIONISTEN KONTSEILUKO DELEGATUA

«Desarmeak etorkizunean arazo gehiago sortuko duela uste dut»

UUPren barruko sektore kritikoko ordezkaria da Beggs. Unionisten asanbleako kidea bat dator Jeffrey Donaldsonekin, eta uste du IRaren desarmea gauzatu arte arazoak izango direla bake prozesuan. Trimblek atzoko bozketan lortutako boto kopurua pozik egoteko modukoa ez dela esan du UUPko politikariak

■ **Ipar Irlandako Gobernu autonomora itzultzearen aldeko botoa nagusitu da. Trimble garaile bezala ikusi behar al dugu Waterfront Hall-en?**

Garailea bai, baina, beno, ez dut uste %53ko portzentaia lortzea bene-benetan pozteko arrazoia denik

■ **Gaurko bozketaren ondoren zer gertatuko da Ipar Irlandako bake prozesuan?**

Ni poztu egingo nintzateke desarmea egongo dela sinesteko arrazoirik izango banu; gustatuko litzaidake. Hala ere, gai horrek geroan arazo gehiago sortuko duela uste dut, horren beldur naiz.

■ **Armen auzia dela eta, bake prozesua berriz geldituko dela esan nahi duzu.**

Nork definitu dezake «armak erabilerarik at» esaldia? Nork?. Nahi adina esanahi izan ditzake horrek. Armak «erabilerarik at» jartzeko agindu dute, ondo. Etorkizunean, noizbait esan beharko zaigu armak, jadanik, «erabilerarik at» jarri dituztela. Orduantxe ikusiko dugu hori desarmea den ala ez. Guk gertu-gertutik ikusiko dugu hemen esan dena eta agindu zaiguna betetzen ari diren ala ez.

■ **Batzuek uste dute David Trimbleri berriz enbazu egingo diotela alderdi barrutik, ezezkoaren aldekoek UUPren zatiketa eragin lezaketela geroan.**

Ez. Trimblek gaurko botoen %53 baino ez du lortu, eta esan dut lehen ere, ehuneko hori ez dela pozik egoteko modukoa; ni neu behinik behin ez nintzateke pozik egongo. Baina argi dago Trimblek aurrera egin duela, eta horregatik ez dut uste alderdia zatituko denik

■ **UUPko buruak dei egin dizue alderdi diziplinari behingoz heltzeko. Diziplinari eutsiko zaio, beraz?**

Ez dakit, ez dakit.

Jose Mari Pastor
BELFAST

Universidad del País Vasco

Euskal Herriko Unibertsitatea

ERREKTOREGOA
RECTORADO

Euskararen jakite maila frogatzeko probetarako deia

Akademi ikasturte honetan atera daitezkeen plaza elebidunak kontuan izanik, eta plaza hauek ahalik eta lasterren bete daitezkeen, euskararen jakite-maila frogatzeko probak egingo dira jakintza arlo guztietan.

Deialdiaren oinarriak ondoko guneetako iragarki-tauletan eman dira argitaratu: Euskara errektoreordetzan, Errektoregoa, Leioako campusa (Bizkaia); Gipuzkoako campuseko errektoreordetzan, Ignacio M. Barriola Eraikina, Elhuyar Enparantza 1 - Donostia; eta Arabako campuseko errektoreordetzan, Izardui komandantea 2, - Gasteiz.

Eskari-ereduak, Errektoregoan eta campus-etako errektoreordetzetan emango dira, eta leku berean, 500 pta. ordainduz, galdetegi-liburua eskuratu ahal izango da, eskatzen diren gaiak eta terminologia gainera, goiko arlo nagusi horietako bakoitzak barnean dauzkan atal bereziak xeheki azaltzen dituenak.

Eskariak, maiatzaren 29tik ekainaren 2ra (biak barne) aurkez daitezke Euskal Herriko Unibertsitateko Erregistro Orokorrean edo arestian aipaturiko campusetako errektore-ordetzetan.

Leioa, 2000.eko maiatzaren 28a

EUSKO JAURLARITZA

HIZKUNTZA
ESKOLA OFIZIALA
BILBO

GOBIERNO VASCO

ESCUELA OFICIAL
DE IDIOMAS
BILBAO

1999-2000 IKASTURTEKO AZTERKETA LIBREEN HASIERA

ALEMANA	Ekainak 13
GAZTELANIA	Ekainak 12
EUSKERA	Maiatzak 30
FRANTSESA	Ekainak 6
INGELESA	Ekainak 13
ERRUSIERA	Ekainak 20

Argibide gehiago Hizkuntza Eskola Ofizialeko Iragarlekuan.

Azterketa guztietara 2. zenbakiko arkatza, borragoma eta boligrafoa ekarri behar dira.

Ordurako heltzea derrigorrezkoa da, bestela ez da sarterik egongo.

N.A.N. edo Eskolako karneta beharrezkoak dira azterketara aurkezteko.